


石倉十二代詩選



晚唐一之四

漢書門		三七四五	九七	九	冊
類		號	函	架	冊

漢書		三七四五	四二	五	架
類		號	冊	架	架

總集

四十

唐詩卷十一之四

內閣文庫		番號	漢 3745
		冊數	142(34)
		函號	319 25



綴じ部(喉部分)の文字など開きが不鮮明な箇所あり

石倉十二代詩選

唐卷之六十一

晚唐一

明候官曹學佺閱

李商隱

字義山
懷州人

宮中曲

淺草文庫


雲丹瀆宮月夜夜白于水賺得羊車來低扇遮

黃子水精不覺冷自刻鴛鴦翅蠶縷茜香濃正

朝纏左臂巴牋兩三幅滿寫承恩字欲得識青

天昨夜蛟龍是

和鄭愚贈汝陽王孫家箏妓二十韻



天
子
異

卷六十一

二

祥

歷代詩選 唐李商隱
水霧怨何窮。秦絲嬌未已。寒空煙霞高。白日一
萬里。碧嶂愁不行。濃翠遙相倚。茜袖捧瓊姿。
日丹霞起。孤猿耿幽寂。西風吹白芷。迴
深女蘿閉。山鬼荒郊白。鱗斷別浦晴。
壓河心。白道連地尾。秦人昔富家。綠
鴻驚雁背。飛象牀。殊故里。因令五十
宮徵斗粟。配新聲。娣姪徒織指。風流
望白門。裏蠹粉。實雌絃。燈光冷如水。羌
狂從醉。吳宮耳。滿內不掃眉。君王對西子。不

憐朝露冷。臂婁愁髓。一曲送連錢。遠別長于死。
玉砌銜紅蘭。粧窗結碧綺。九門十二關。清晨禁
桃李。

房中曲

薔薇泣幽素。翠帶花錢小。嬌郎癡若雲。抱日西
簾曉。枕是龍宮石。割得秋波色。玉簫失柔膚。但
見蒙羅碧。憶得前年春。未語悲含辛。歸來已不
見。錦瑟長于人。今日礪底松。明日山頭蘂。愁到
天池翻。相看不相識。

無題

八歲偷照鏡長眉已能畫十歲去踏青芙蓉作
綦釵十二學彈箏銀甲不曾卸十四藏六親懸
知猶未嫁十五泣春風背立鞦韆下

效長吉

長長漢殿眉窄窄楚宮衣鏡好鸞空舞簾踈燕
誤飛君王不可問昨夜約黃歸

李夫人

蠻絲繫條脫妍眼和香扇壽宮不惜鑄南人柔
早被秋眸割清澄有餘幽素香鰥魚渴鳳真
珠房不知瘦骨類冰井更許夜簾通曉霜土花
漠碧雲茫茫黃河欲盡天蒼蒼

燕臺詩四首

風光冉冉東西陌幾日嬌魂尋不得蜜房羽客
類芳心冶葉倡條徧相識暖藹輝遲桃樹西高
鬟立共桃枝齊雄龍雌鳳杳何許絮亂絲繁天
亦迷醉起微陽若初曙映簾夢斷聞殘語愁將
鐵網罥珊瑚海闊天翻迷處所衣帶無情有寬

窄春煙自碧秋霜白。研丹擘石天不知。願得天
牢鑱冤魄。夾羅委篋。單綃起香眠。冷襯瑤瑤佩。
今日東風自不勝。化作幽光入西海。

右春

前閣雨簾愁不卷。後堂芳樹陰陰見。石城景物
類黃泉。夜半行郎空柘彈。綾扇喚風闌闔天。輕
帷翠幕波淵旋。蜀魂寂寞有伴未。幾夜瘴花開
木繇。桂宮流影光難取。嬀薰蘭破輕輕語。直教
銀漢墮懷中。未遣星妃鎮來去。濁水清波何異
源。濟河水清黃河渾。安得薄霧起。細裊手接雲

駟呼太君

右夏

月浪衡天天宇濕。涼蟬落盡疎星入。雲屏不動
掩孤嚶。西樓一夜風箏急。欲織相思花寄遠。終
日相思却相怨。但聞北斗聲迴環。不見長河水
清淺。金魚鑿斷紅桂春。古時塵滿鴛鴦茵。堪悲
小苑作長道。玉樹未憐亡國人。瑤瑟悵悵藏楚
弄。越羅冷薄金泥重。簾鈎鸚鵡夜驚霜。喚起南
窗繞雲夢。雙瑤丁丁聯尺素。內記湘川相識處。
歌唇一世銜兩眉。可惜馨香手中故。

右秋

天東日出天西下，雌鳳孤飛女龍寡。青溪白石
 不相望，堂中遠甚蒼梧野。凍壁霜華交隱起，芳
 根中斷香心死。浪乘畫舸憶蟾蜍，月娥未必嬋
 娟子。楚管蠻絃愁一槩，空城罷舞腰支在。當時
 歡向掌中銷，桃葉桃根雙姊妹。破鬟矮墮凌朝
 寒，白玉燕釵黃金蟬。風車雨馬不持去，蠟燭啼
 紅怨天曙。右冬

河內詩

鼉鼓沈沈虬水咽，秦絲不上蠻絃絕。嫦娥衣薄
 不禁寒，蟾蜍夜艷秋河月。碧城冷落空濛煙，簾
 輕幕重金鉤。欄靈香不下，兩皇子。孤星直上相
 風竿，八桂林邊九芝草。短襟小鬢相逢道，入門
 暗數一千春。願去閨年留月小，柀子交加香蓼
 繁。停辛佇苦留待君。

其二

閨門日下吳歌遠，陂路綠菱香滿滿。後溪暗起
 鯉魚風，船旗閃斷芙蓉幹。傾身奉君畏身輕，雙
 橈兩漿樽酒清。莫因風雨罷團扇，此曲斷腸惟

此聲低樓小徑城南道。猶自金鞍對芳草。

射魚曲

思牢弩箭磨青石。繡額蠻渠三虎力。尋潮背日
俟泅鱗。貝闕夜移鯨失色。織織粉籐馨香餌。綠
鴨迴塘養龍水。含冰漢語遠于天。何由迴作金
盤死。

燒香曲

鈿雲蟠蟠牙比魚。孔雀翅尾蛟龍鬚。漳宮舊樣
博山爐。楚嬌捧笑開芙蓉。八蠶繭絲小分炷。獸

燄微紅隔雲母。白天月澤寒未水。金虎含秋向
東吐。玉珮呵光銅照昏。簾波日暮衝斜門。西來
欲上茂陵樹。栢梁已失裁桃魂。露庭月井大紅
氣。輕衫薄袖當君意。蜀殿瓊人伴夜深。金鸞不
問殘燈事。何當巧笑君懷度。襟灰爲土填清露。

風雨

淒涼寶劔篇。羈泊欲窮年。黃葉仍風雨。青樓自
管絃。新知遭薄俗。舊好隔良緣。心斷新豐酒。銷
愁斗幾千。

離思

氣盡前溪舞。心酸子夜歌。峽雲尋不得。潯水欲如何。朔雁傳書絕。湘筠染淚多。無由見顏色。還自託微波。

令狐舍人說昨夜西掖翫月因戲贈

昨夜玉輪明。傳聞近太清。涼波衝碧瓦。曉暈落金莖。露索秦宮井。風絃漢殿箏。幾時絲竹頌。擬薦子虛名。

歸墅

行李踰南極。旬時到舊鄉。楚芝應徧紫。鄧橘未全黃。渠濁村春急。帘高社酒香。故山歸夢喜。先入讀書堂。

哭劉司戶

離居星歲易。失望死生分。酒甕凝餘桂。書籤冷舊芸。江風吹雁急。山木帶蟬曛。一叫千迴首。天高不爲聞。

桂林

城窄山將壓。江寬地共浮。東南通絕域。西北有

歷代詩選 唐李商隱
高樓神護青楓岍，龍移白石湫。殊鄉競河禱，簫鼓未曾休。

贈柳

章臺從掩映，郢路更參差。見說風流極，來當婀娜時。橋回行欲斷，堤遠更相隨。忍放花如雪，青樓撲酒旗。

諛柳

已帶黃金縷，仍飛白玉花。長時須拂馬，密處少藏鴟。看細從他斂，腰輕莫自斜。玳梁誰道好，偏

擬映盧家

韓翃舍人卽事

萱草含丹粉，荷花抱綠房。鳥應悲蜀帝，蟬是怨齊王。通內藏珠府，應官解玉坊。橋南荀令過，十里送衣香。

子初全溪作

全溪不可到，况復盡餘醅。漢苑生春水，昆池換劫灰。戰蒲知雁唼，皴月覺魚來。清興恭聞命，言詩未敢廻。

越燕二首

上國社方見此鄉秋不歸爲矜皇后舞猶着羽
人衣拂水斜文亂銜花片影微盧家文杏好試
近莫愁飛

將泥紅蓼斫得草綠楊村命侶添新意安巢復
舊痕去應逢阿母來莫害皇孫記取丹山鳳今
爲百鳥尊

無題

照梁初有情出水舊知名褰秘芙蓉小釵茸藉

輕錦長書鄭重看細恨分明莫近彈碁局中
心最不平

月

池上與橋邊難忘復可憐簾開最明夜簾卷已
涼天流處水花急吐時雲葉鮮姮娥無粉黛只
是逞嬋娟

贈宋魯叟竹杖

大夏資輕策全溪贈所思靜憐穿樹遠滑想過
苔遲鶴怨朝還望僧閒暮有期風流真底事常

欲傍清羸

壬申七夕

已駕七香車。心心待曉霞。風輕惟響珮。日薄不
嬌花。桂嫩傳香遠。榆高送影斜。成都過卜肆。曾
妬識靈槎。

判春

一桃復一李。井上占年芳。笑處如臨鏡。窺時不
隱牆。敢言西子短。誰覺宓妃長。珠玉終相類。同
名作夜光。

曉起

擬杯當曉起。呵鏡可微寒。隔箔山櫻熟。褰帷桂
燭殘。書長爲報晚。夢好更難尋。影響輸雙蝶。偏
過舊畹蘭。

寄裴衡

別地蕭條極。如何更獨來。秋應爲紅葉。雨不厭
青苔。沈約偏能瘦。潘仁豈是才。離情堪底寄。惟
有冷于灰。

小桃園

竟日小桃園。休寒亦未暄。坐鶯當酒重。送客出
墻繁。啼久艷粉薄。舞多香雪翻。猶憐未圓月。先
出照黃昏。

所居

窗下尋書細。溪邊坐石平。水風醒酒病。霜日曝
衣輕。雞黍隨人設。蒲魚得地生。前賢無不謂。容
易卽遺名。

訪秋

酒薄吹還醒。樓危望已窮。江臯當落日。帆席見
歸風。煙帶龍潭白。霞分鳥道紅。殷勤報秋意。只
是有丹楓。

昭郡

桂水春猶早。昭州日正西。虎當官路鬪。猿上驛
樓啼。繩爛金沙井。松乾乳洞梯。鄉音吁可駭。仍
有醉如泥。

陳後宮

玄武關新苑。龍舟燕幸頻。渚蓮叅法駕。沙鳥犯
鈎陳。壽獻金莖露。歌翻玉樹塵。夜來江令醉。別

詔宿臨春

獻寄舊府開封公

幕府三年遠春秋一字褒書論秦逐客賦續楚
離騷地理南溟闊天文北極高酬恩撫身世未
覺勝鴻毛

題鄭大有隱居

近子晉憩
鶴臺處

結構何峰是喧閒此地分石梁高瀉月樵路細
侵雲偃卧蛟螭室希夷鳥獸羣近知西嶺上玉
管有時聞

江上

萬里風來地清江北望樓雲通梁苑路月帶楚
城秋刺字從漫滅歸途尚阻脩前程更煙水吾
道豈淹留

題李上墓壁

舊著思玄賦新編雜擬詩江庭猶近別山舍得
幽期嫩割周顛韭肥烹鮑照葵飽聞南燭酒仍
及撥醅時

即日

桂林聞舊說曾不異炎方山響庄牀語花飄度
臘香幾時逢雁足着處斷猿腸獨撫青青桂臨
城憶雪霜

春宵日遣

地勝遺塵事身閒念歲華晚晴風過竹深夜月
當花石亂知泉咽苔荒任徑斜陶然恃琴酒忘
却在山家

七夕偶題

寶婺搖珠珮嫦娥照玉輪靈歸天上匹巧遺世
間人花果香千戶笙竽溢四隣明朝曬犢鼻方
信阮郎貧

寒食行次冷泉驛

歸途仍近節旅宿倍思家獨夜三更月空庭一
樹花介山當驛秀汾水遶關斜自怯春寒苦那
堪禁火賒

寄華嶽孫逸人

靈嶽幾千仞老松逾百尋攀崖仍躡壁嗽葉復
眠陰海上呼三島齋中戲五禽惟應逢阮籍長

歎作鸞音

北青蘿

殘陽西入崦，茅屋訪孤僧。
落葉人何在，寒雲路幾層。
獨敲初夜磬，閒倚一枝藤。
世界微塵裏，吾寧愛與憎。

幽人

丹竈三年火，蒼崖萬歲藤。
樵歸逢說虎，碁罷正留僧。
星斗同秦分，人煙接漢陵。
東流清渭苦，不盡照衰興。

詠雲

捧月三更斷，藏星七夕明。
纔聞飄迥路，旋見隔重城。
潭暮隨龍起，河秋壓雁聲。
只因惟宋玉，知是楚神名。

夜出西溪

東府憂春盡，西溪許日曛。
月澄新漲水，星見欲銷雲。
柳好休傷別，松高莫出羣。
軍書雖倚馬，猶未當能文。

九月於東逢雪

舉家忻共報秋雪墮前峰嶺外他年憶於東此
日逢粒輕還自亂花薄未成重豈是驚離鬢應
來洗病容

僧院牡丹

葉薄風才倚枝輕霧不勝開先如避客色淺爲
依僧粉壁正蕩水緗幃初卷燈傾城惟待笑要
裂幾多繒

河清與趙氏昆季讌集得擬杜工部

勝槩殊江右佳名逼渭川虹收青嶂雨鳥沒夕

陽天客鬢行如此滄波坐眇然此中真得地漂
蕩釣魚船

城上

有客虛投筆無寥獨上城沙禽失侶遠江樹着
陰輕邊遠稽天討軍須竭地征賈生遊亦極作
賦又論兵

如有

如有瑤臺客相難復索歸芭蕉開綠扇菡萏薦
紅衣浦外傳光遠煙中結響微良宵一寸艷回

首是重幃

清夜怨

含淚坐春宵，聞君欲度遼。
綠池荷葉嫩，紅砌杏花嬌。
曙月當窗滿，征雲出塞遙。
畫樓終日閉，清管爲誰調。

訪隱

路到層峰斷，門依老樹開。
月從平楚轉，泉自上方來。
薤白羅朝饌，松黃暖夜杯。
相畱笑孫綽，空解賦天台。

歸來

舊隱無何別，歸來始更悲。
難尋白道士，不見惠禪師。
草逕蟲鳴急，沙渠水下遲。
却將波浪眼，清曉對紅梨。

錦瑟

錦瑟無端五十絃，絃絃在在思華年。
莊生曉夢迷蝴蝶，望帝春心託杜鵑。
滄海月明珠有淚，藍田日暖玉生煙。
此情可待成追憶，只是當時已惘然。

潭州

潭州官舍暮樓空。今古無端入望中。湘淚淺深滋竹色。楚歌重疊怨蘭叢。陶公戰艦空灘雨。賈傳承塵破廟風。目斷故園人不至。松醪一醉與誰同。

送崔珏往西川

年少因何有旅愁。欲爲東下更西遊。一條雪浪吼巫峽。千里火雲燒益州。卜肆至今多寂寞。酒壚從古擅風流。浣花紙紙桃花色。好爲題詩詠

王鈞

寄令狐學士

秘殿崔嵬拂彩霓。曹司今在殿東西。賡歌太液翻黃鵠。從獵陳倉獲碧鷄。曉飲豈知金掌迴。夜吟偏訝玉繩低。鈞天雖許人間聽。閭闔門多夢自迷。

少年

外戚平羌第一功。生平二十有重封。直登宣室螭頭上。橫過甘泉豹尾中。別館覺來雲雨夢。後

門歸去蕙蘭叢。灞陵夜獵隨田實。不識寒郊白
轉蓬。

藥轉

鬱金堂北畫樓東。換骨神方上藥通。露氣暗連
青桂苑。風聲偏獵紫蘭叢。長籌未必輸孫皓。香
棗何須問石崇。憶事懷人兼得句。翠衾歸卧繡
簾中。

隋宮

紫泉宮殿鎖煙霞。欲取蕪城作帝家。玉璽不緣
歸日角。錦帆應是到天涯。于今腐草無螢火。終
古垂楊有暮鴉。地下若逢陳後主。豈宜重問後
庭花。

重遊飛泉觀題故梁道士宿龍池

西巖泉落水。容寬靈物蜿蜒黑。處蟠松葉正秋
琴韻響。菱花初曉鏡光寒。雲開星月浮山殿。雨
過風雷遶石壇。仙客不歸龍亦去。稻畦長滿此
池乾。

將爲南行陪尚書崔公宴海榴堂

朝譙華堂暮未休。幾人偏得謝公留。風傳鼓角
霜侵戟。雲卷笙歌。月上樓。賓館盡開。徐穉榻。客
帆空戀李膺舟。謾誇書劍無歸處。水遶山長步
步愁。

贈鄭處士

道傍少年莫矜誇。心在重霄鬢未華。揚子可曾
過北里。曾人何必敬東家。寒雲曉散千峰雪。暖
雨晴開一逕花。且賣湖田釀春酒。與君書劍是
生涯。

哭楊攀處士

先生憂道樂清貧。白髮終爲不仕身。嵇阮沒來
無酒客。應劉亡後少詩人。山前月照孤墳曉。溪
上花開舊宅春。昨夜回舟更惆悵。至今鐘磬滿
南陵。

宿望亭館寄蘇州一二同志

候館人稀夜自長。姑蘇城遠樹蒼蒼。江湖水落
高樓迴。河漢秋歸廣簟涼。月轉碧梧移鵲影。露
低紅葉濕螢光。西園詩侶應多思。莫醉笙歌掩

畫堂

夜間寄郡中文士

盧橘含花處處香，老人依舊卧青漳。
 心同客舍驚秋早，迹似僧齋厭夜長。
 風卷翠簾琴自響，露凝朱閣簟先涼。
 明朝欲醉文中彥，猶覺吟聲帶越鄉。

將歸姑蘇南樓餞送李明府

無處登臨不繫情，一憑春酒醉高城。
 暫移羅綺見山色，纔駐管絃聞水聲。
 花落西亭添別夢，柳陰南浦促歸程。
 前期迢遞今宵短，更倚朱闌待月明。

月明
 留別趙端公

海門征棹赴龍瀧，暫寄華筵倒玉缸。
 簫鼓散時逢夜雨，綺羅分處下秋江。
 孤帆已過滕王閣，高榻留眠謝守窗。
 却願煙波阻風雪，待君同拜碧油幢。

元處士自洛歸宛陵山居見示詹事相公

餞行



紫霄峰下絕韋編舊隱相如結襪前月落尚留
東閣醉風高還憶北窗眠江城夜別瀟瀟雨山
檻晴歸漠漠煙一頃豆花二頃竹想應拋却釣
魚船

長慶寺遇常州阮秀才

高閣晴軒對一峰毗陵書客此相逢晚收紅葉
題詩徧秋待黃花釀酒濃山館日斜喧鳥雀石
潭波動戲魚龍上方有路應知處疎磬寒蟬樹
幾重

對雪

寒氣先侵玉女扉清光旋透省郎闈梅花大庾
嶺頭發柳絮章臺街裏飛欲舞定隨曹植馬有
情應濕謝莊衣龍山萬里無多遠畱待行人二
月歸

辛未七夕

恐是仙家好別離故教迢遞作佳期由來碧落
銀河畔可要金風玉露時清漏漸移相望久微
雲未接過來遲豈能無意酬烏鵲惟與蜘蛛乞

巧絲

銀河吹笙

悵望銀河吹玉笙樓寒院冷接平明重衾幽夢
他年斷別樹羈雌昨夜驚月榭故香因雨發風
簾殘燭隔霜清不須浪作續山意湘瑟秦簫自
有情

宿晉昌亭聞鶯禽

羈緒鰥鰥夜景侵高窗不掩見鶯禽飛來曲渚
煙方合過盡南塘樹更深胡馬嘶和榆塞笛楚
猿吟雜橘村砧失羣掛木知何限遠隔天涯共
此心

深宮

金殿銷香閉綺籠玉壺傳點咽銅龍狂飈不惜
蘿陰薄清露偏知桂葉濃斑竹嶺邊無限淚景
陽宮裏及時鐘豈知為雨為雲處只有高唐十
二峰

淚

衣巷長年怨綺羅離情終日思風波湘江竹上

痕無限峴首碑前灑幾多人去紫臺秋入塞兵
殘楚帳夜聞歌朝來灞水橋邊問未抵青袍送
玉珂

出關宿盤豆館對叢蘆有感


蘆葉梢梢夏景深郵亭暫欲灑塵襟昔年曾是
江南客此日初為關外心思子臺邊風自急玉
娘湖上月應沈清聲不遠行人去一任城伴
夜砧

贈從兄闕之

悵望人間萬事違秘書清夢約忘機荻花村裏
魚標在石蘚庭中鹿跡微僻徑定携僧共入寒
塘好與月相依城中獬犬憎蘭珮莫損幽芳久
不歸

無題

鳳尾香羅薄幾重碧文圓頂夜深縫扇裁月魄
羞難掩車走雷聲語未通曾是寂寥金燼暗斷
無消息石榴紅斑騅只繫垂楊畔何處西南待
好風



贈鄭謙處士

浪迹江湖白髮新，浮雲片片是吾身。
寒歸山觀隨棊局，暖入沙汀逐釣綸。
越桂留烹張翰鱸，蜀薑供煮陸機尊。
相逢一笑憐疎放，他日扁舟有故人。

寫志

燕雁迢迢隔上林，高秋望斷正長吟。
人間路有潼江險，天外山惟玉壘深。
日向花間留返照，雲從城上結層陰。
三年已制思鄉淚，更入新年恐不禁。

和人題真娘墓

虎丘山下劔池邊，長遣遊人歎逝川。
冢樹斷絲悲舞席，出雲清梵想歌筵。
柳眉空吐含顰葉，榆筴還飛買笑錢。
一自香魂招不得，祇應江上獨嬋娟。

水齋

多病欣依有道邦，南塘晏起想秋江。
捲簾飛燕還拂水，開戶暗蟲猶打窗。
更闕前頭已披卷，仍

斟昨夜未開缸誰人爲報故交道莫惜鯉魚時
一雙

回中牡丹爲雨所摧

下苑他年未可追西州今日忽相期水亭暮雨
寒猶在羅薦春香煖不知無蝶殷勤收落蕊有
人惆悵臥遙帷章臺街裏芳菲伴且問宮腰損
幾枝

玄武湖中
上漏催雞鳴埭口繡襦迴誰言瓊樹

朝朝見不及金蓮步步來敵國軍營漂木柀前
朝神廟鏤煙煤滿宮學士皆顏色江令當年只
費才

卽日

一歲林花卽日休江間亭下恨淹留重吟細把
真無奈已落猶開未放愁山色正來銜小苑春
陰只欲傷高樓金鞍忽散銀壺滴更醉誰家白
玉鉤

井絡

井絡天彭一掌中，漫誇天設劔爲峰。
陣圖東聚燕江口，邊柝西懸雪嶺松。
堪歎故君成柱宇，可能先主是真龍。
將來爲報姦雄輩，莫向金牛訪舊蹤。

柳

江南江北雪初消，漠漠輕黃惹嫩條。
灞岸已攀行客手，楚宮先騁舞姬腰。
清明帶雨臨官道，晚日含風拂野橋。
如線如絲正牽恨，王孫歸路一何遙。

九日

曾共山翁把酒時，霜天白菊逸階墀。
十年泉下無消息，九日樽前有所思。
不學漢臣栽苜蓿，空教楚客詠江蓠。
郎君官貴施行馬，東閣無因再得窺。

晨自竹逕至龍興寺崇隱上人院

佛寺通南徑，僧堂倚北坡。
藤陰迷晚竹，苔滑仰晴莎。
病憶春前別，閒宜雨後過。
石橫聞水遠，林缺見山多。
欲結三天社，初降十地魔。
素龍來有

窟靈鶴去無巢客路隨萍梗鄉園失薜蘿禪心
如可學不藉魯陽戈

柳枝五首

并序

柳枝洛中里娘也父饒好賈風波死湖上其
母不念他兒子獨命柳枝生十七年塗粧縮
髻未能竟已復起去吹葉嚼藥調絲擲管作
天風海濤之曲幽憶怨斷之音居其旁與其
家揖故往來者聞十年尚相與疑其醉眠夢
物斷不娉余從昆讓山比柳枝居爲近他日

春曾陰讓山下馬柳枝南柳下詠余燕臺詩
柳枝驚問誰人爲是讓山謂曰此吾里中少
年叔耳柳枝手斷長帶結讓山爲贈叔乞詩
明日余比馬出其巷柳枝丫鬟畢粧抱立扇
下風鄣一袖指曰若叔是句後三日隣當去
濺裊水上以博山香待與郎俱過余諾之會
所友有偕當詣京師者戲盜余卧裝以先不
果畱雪中讓山至且曰東諸侯取去矣明年
讓山復東相背於戲上因寓詩以墨其故處

云

花房與蜜脾蜂雄蛺蝶雌同時不同類那復更相思

其二

本是丁香樹春條結始生玉作彈碁局中心亦不平

其三

嘉瓜引蔓長碧玉冰寒漿東陵雖五色不忍值牙香

其四

柳枝井上蟠蓮葉浦中乾錦鱗與繡羽水陸有傷殘

其五

畫屏錦步障物物自成雙如何湖上望只是見鴛鴦

微雨

初隨林靄動稍共夜涼分窗迴侵燈冷庭虛近水聞

百果嘲櫻桃

珠寶雖先熟瓊苳縱早開流鶯猶故在爭得諱
含來

櫻桃荅

衆果莫相誚天生名品高何因古樂府惟有鄭
櫻桃

悼傷後赴東蜀辟至散關遇雪

劒外從軍遠無家與寄衣散關三尺雪迴夢舊
鴛機

樂遊

向晚意不適驅車登古原夕陽無限好只是近
黃昏

聽鼓

城頭疊鼓聲城下暮江清欲問漁陽慘時無禰
正平

追代盧家人嘲堂內

道却橫波字人前莫謾羞只應同楚水長短入
淮流

天涯

春日在天涯。天涯日又斜。鶯啼如有淚。為濕最高花。

夜意

簾垂幕半捲。枕冷被仍香。如何為相憶。魂夢過瀟湘。

滯雨

滯雨長安夜。殘燈獨客愁。故鄉雲水地。歸夢不宜秋。

夜雨寄北

君問歸期未有期。巴山夜雨漲秋池。何當共剪西窗燭。却話巴山夜雨時。

雜題

城郭休過識者稀。哀猿啼處有柴扉。滄江白石樵漁路。日暮歸來雨滿衣。

端居

遠書歸夢兩悠悠。只有空牀敵素秋。階下青苔與紅樹。雨中寥落月中愁。

過鄭廣文舊居

宋玉平生恨有餘，遠循三楚弔三閭。
可憐留著臨江宅，異代應教庾信居。

莫愁

雪中梅下與誰期，梅雪相兼一萬枝。
若是石城無艇子，莫愁還自有愁時。

宮辭

君恩如水向東流，得寵憂移失寵愁。
莫向樽前奏花落，涼風只在殿西頭。

瑤池

瑤池阿母綺窗開，黃竹歌聲動地哀。
八駿日行三萬里，穆王何事不重來。

鴛鴦

雌去雄飛萬里天，雲蘿滿眼淚潸然。
不須長結風波願，鎖向金籠始兩全。

代秘書贈弘文館諸校書

清切曹司近玉除，比來秋興復何如。
崇文館裏丹霜後，無限紅梨憶校書。

卽日

小鼎煎茶面曲池。虬鬚道士竹間棋。何人書破蒲葵扇。記着南塘移樹時。

嫦娥

雲母屏風燭影深。長河漸落曉星沈。常娥應悔偷靈藥。碧海青天夜夜心。

天津西望

虜馬崩騰忽一狂。翠華無不到東方。天津西望腸真斷。滿眼秋波出苑牆。

憶住一師

無事經年別遠公。帝城鐘曉憶西峰。煙爐銷盡寒燈晦。童子開門雪滿松。

昨夜

不辭鴟鴞妬年芳。但惜流塵暗洞房。昨夜西池涼露滿。桂花吹斷月中香。

寄蜀客

君到臨邛問酒壚。近來還有長卿無。金徽却是無情物。不許文君憶故夫。

訪人不遇留別館

卿卿不惜瑣窗春，去作長楸走馬身。
閒倚繡簾吹柳絮，日高深院斷無人。

池邊

玉管蒹葭細細吹，流鶯上下燕參差。
日西半遶池邊樹，憶把枯條撼雪時。

華師

孤鶴不睡雲無心，衲衣筇杖來西林。
院門晝鎖迴廊靜，秋日當階柿葉陰。

代贈二首

樓上黃昏欲望休，玉梯橫絕月中鉤。
芭蕉不展丁香結，同向春風各自愁。

東南日出照高樓，樓上離人唱石州。
總把春山掃眉黛，不知供得幾多愁。

武夷山

只得流霞酒一杯，空中簫鼓當時迴。
武夷洞里裏生毛竹，老盡曾孫更不來。

訪隱者不遇成一絕

秋水悠悠浸野扉
夢中來數覺來稀
玄蟬去盡黃葉落
一樹冬青人未歸

寄令狐郎中

嵩雲秦樹久離居
雙鯉迢迢一紙書
休問梁園舊賓客
茂陵秋雨病相如

東還

自有仙才自不知
十年長夢採華芝
秋風動地黃雲暮
歸去嵩陽尋舊師

七夕

鸞扇斜分鳳幄開
星橋橫過鵲飛迴
爭將世上無期別
換得年年一度來

月夕

草下陰蟲葉上霜
朱欄迢遞壓湖光
兔寒蟾冷桂花白
此夜姮娥應斷腸

代應

本來銀漢是紅墻
隔得盧家白玉堂
誰與王昌報消息
盡知三十六鴛鴦

暮秋獨遊曲江

荷葉生時春恨生
荷葉枯時秋恨成
深知身在情長在
悵望江頭江水聲

夜冷

樹遶池寬月影多
村砧塢笛隔風蘿
西亭翠被餘香薄
一夜將愁向敗荷

韋蟾

謝家離別正淒涼
少傅臨岐賭佩囊
却憶短亭迴首處
夜來煙雨滿池塘

花下醉

尋芳不覺醉流霞
倚樹沈眠日已斜
客散酒醒深夜後
更持紅燭賞殘花

石倉十二代詩選

唐卷之六十二

晚唐

明候官曹學佺閱

杜牧

字牧之
京兆人

長安送友人遊湖南

子性劇弘和愚衷深褊狎相捨罽曉中吾過何
由鮮楚國饒風煙湘岼苦縈宛山密夕陽多人
稀芳草遠青梅繁枝低斑笋新梢短莫哭葬魚
人酒醒且眠飯

雨中作

賤子本幽慵，多爲賢雋侮。得州荒僻中，更值連
江雨。一褐擁秋寒，小窗侵竹塢。酒濁氣色嚴，饑
腹併罌古。酣酣天地寬，怳怳嵇劉伍。但爲適性
情，豈是藏鱗羽。一世一萬朝，朝朝醉中去。

題池州弄水亭

弄水亭前溪，颭颭翠綃舞。綺席草芊芊，紫嵐峰
伍伍。螭蟠得形勢，翬飛如軒戶。一鏡奩曲堤，萬
丸跳猛雨。檻前燕雁栖，枕上巴帆去。叢筠侍脩
廊，密蕙媚幽圃。杉樹碧爲幢，花駢紅作堵。停樽

遲晚月，咽咽上幽渚。客舟耿孤燈，萬里人夜語。
漫流罨苔槎，飢鳧曬雪羽。玄絲落鈎餌，冰鱗看
吞吐。斷霓天披垂，狂燒漢旗怒。曠野半秋曉，蕭
瑟好風露。光潔疑可攬，欲以襟懷貯。幽抱吟九
歌，羈情思湘浦。四時皆異狀，終日爲良遇。小山
浸石稜，撐舟入幽處。孤歌倚桂巖，晚酒眠松塢。
紆餘帶竹村，蠶鄉足砧杵。滕泉落環珮，畦苗差
纂組。風俗知所尚，豪強耻孤侮。隣喪不相舂，公
租無詬負。農時貴伏臘，簪瑱事禮賂。鄉校誠華

筵征行產疆弩不能自勉去但愧來何暮故園
漢上林信美非吾土

題宣州開元寺

南朝謝眺城東吳最深處亡國去如鴻遺寺藏
煙塢樓飛九十尺廊環四百柱高高下下中風
繞松桂樹青苔照朱閣白鳥兩相語溪聲入僧
夢月色暉粉堵閱景無旦夕憑欄有今古留我
酒一樽前山看春雨

許七侍御棄官東歸瀟灑江南頗聞自適

高秋企望題詩寄贈十韻

天子繡衣吏東吳美退居有園同庾信避事學
相如蘭畹晴香嫩筠溪翠影疎江山九秋後風
月六朝餘錦肆開詩軸青囊結道書霜嚴紅薜
荔露沼白芙蓉睡雨高梧密綦燈小閣處凍膠
元亮秣寒鱸季膺魚塵意迷今古雲情識卷舒
他年雪中棹陽羨訪吾廬

偶遊石盃僧舍

宣州作

敬岑草浮光句沚水解脉益鬱乍怡融凝嚴忽

歷代詩選 唐詩 三
頽圻梅類暖眠酣風緒和無力鳧浴漲汪汪
雛村羃羃落日美樓臺輕煙飾阡陌歛綠古津
遠積潤苔基釋孰謂漢陵人來作江汀客載筆
念無能捧籌慚所畫任轡偶追閒逢幽果遭適
僧語淡如雲塵事繁堪織今古幾輩人而我何
能息

題安州浮雲寺樓寄湖州張郎中

去夏疎雨餘同倚朱欄語當時樓下水今日到
何處恨如春草多事與孤鴻去楚岫柳何窮別
愁紛若絮

池州廢林泉寺

廢寺林溪上頽垣倚亂峰看栖歸樹鳥猶想過
山鐘石路尋僧去此生應不逢

白宣州赴官入京路逢裴坦判官歸宣州

因題贈

敬亭山下百頃竹中有詩人小謝城城高跨樓
滿金碧下聽一溪寒水聲梅花落逕香繚繞雪
白玉璫花下行縈風酒旆挂朱閣半醉遊人聞

弄笙我初到此未三十頭腦鈔利筋骨輕畫堂
檀板秋拍碎一引有時聯十觥老閒腰下丈二
組塵土高懸千載名重遊鬢白事皆改惟見東
流春水平今日送君話前事高歌引劍還一傾
江湖酒伴如相問終老煙波不計程

秋晚與沈十七舍人期遊樊川不至

邀侶以官絆泛然成獨遊川光初媚日山色正
矜秋野竹疎還密巖泉咽復流杜村連滴水晚
步見垂鈎

送容州中丞赴鎮

交趾同星座龍泉似斗文燒香翠羽帳看舞鬱
金裘鷁首衝瀧浪犀渠拂嶺雲莫教銅柱北空
說馬將軍

憶遊朱坡四韻

秋草樊川路斜陽覆盎門獵逢韓嫣騎樹識館
陶園帶雨經荷沼盤煙下竹村如今歸不得自
戴望天盆

揚州二首

煬帝雷塘土。迷藏有舊樓。誰家唱水調。明月滿
揚州。駿馬宜閒出。千金好暗遊。喧闐醉年少。半
脫紫茸裘。

秋風放營苑。春草鬪雞臺。金絡擎鵬去。鸞環拾
翠來。蜀船紅錦重。越橐水沈堆。處處皆華表。淮
王奈却迴。

題揚州禪智寺

雨過一蟬噪。飄蕭松桂秋。青苔滿階砌。白鳥故
遲留。暮靄生深樹。斜陽下小樓。誰知竹西路。歌

吹是揚州。

句溪夏日送盧霽秀才歸王屋山將欲赴
舉

野店正分泊。繭蠶初引絲。行人碧溪渡。繫馬綠
楊枝。苒苒跡始去。悠悠心所期。秋山念君別。惆
悵桂花時。

睦州

州在釣臺邊。溪山實可憐。有家皆掩映。無處不
潺湲。好樹鳴幽鳥。晴樓入野煙。幾春杜陵客。中

酒落花前

江上雨寄崔碣

春半平江雨。圓文破蜀羅。聲眠篷底客。寒濕釣
來蓑。闇淡遮山遠。空濛着柳多。此時懷舊恨。相
望意如何。

襄陽雪夜感懷

往事起獨念。飄然白不勝。前灘急夜響。密雪映
寒燈。的的三年夢。迢迢一綫明。明朝楚山上。莫
上最高層。

龍丘途中

漢苑殘花別。吳江盛夏來。惟看萬樹合。不見一
枝開。水色饒湘浦。灘聲怯建溪。淚流迴月上。可
得更猿啼。

旅宿

旅館無良伴。凝情自悄然。寒燈思舊事。斷雁警
愁眠。遠夢歸侵曉。家書到隔年。湘江好煙月。門
繫釣魚船。

早行

垂鞭信馬行數里未雞鳴林下帶殘夢葉飛時
忽驚霜凝孤雁迴月曉遠山橫僮僕休辭險何
時世路平

李給事

晚髮悶還梳憶君秋醉餘可憐劉校尉曾訟石
中書消長雖殊事仁賢每見如因看魯褻論何
處是吾廬

自貽

杜陵蕭次君遷少去官頻寂寞憐吾道依稀似
古人飾心無彩績剉骨是風塵自嫌如匹素月
尺不由身

閨情

娟娟却月看新鬢學鴉飛閣砌勻檀粉晴窗畫
夾衣袖紅垂寂寞看黛歛依稀還向長陵去今
宵歸不歸

題劉秀才新竹

數莖幽玉色曉夕翠煙分搖破寒窗夢穿斜綠
蘚紋漸籠當檻日惟礙入簾雲不是山陰客何

人愛此君

宣州送裴坦判官往舒州時輟欲赴官歸

京

日暖泥融雪半銷行人芳草馬聲驕九華山路
雲遮寺清弋江村柳拂橋君意如鴻高的的我
心懸旆正搖搖同來不得同歸去故國逢春一
寂寥

九日齊安登高

江涵秋影雁初飛與客携壺上翠微塵世難逢
開口笑菊花須插滿頭歸但將酩酊酬佳節不
用登臨恨落暉古往今來只如此牛山何必獨
霑衣

早雁

金河秋半虜絃開雲外驚飛四散哀仙掌月明
孤影過長門燈闇數聲來須知胡騎紛紛在豈
逐春風一一回莫厭瀟湘少人處水多菰米听
莓苔

寄題甘露寺北軒

曾向蓬萊宮裏行。北軒欄檻最留情。孤高堪弄
栢伊笛。縹緲宜聞子晉笙。天接海門秋水色。燿
籠隋苑暮鐘聲。他年會着荷衣去。不向山僧道
姓名。

殘春獨來南亭因寄張祐

暖雲如粉草如茵。獨步長堤不見人。一嶺桃花
紅錦黥。半溪山水碧羅新。高枝百舌猶欺鳥。帶
葉梨花獨送春。仲蔚欲知何處在。苦吟林下拂
詩塵。

長安雜題長句

洪河清渭天池濬。太白終南地軸橫。祥雲輝映
漢宮紫。春光繡畫秦川明。草妬佳人鈿朶色。風
廻公子玉銜聲。六飛南幸芙蓉苑。十里飄香入
夾城。

又

豐貂長組金張輩。駟馬文衣許史家。白鹿原頭
廻獵騎。紫雲樓下醉江花。九重樹影連清漢。萬
壽山光學翠華。誰識大君謙讓德。世間名利等

塵沙

街西長句

碧池新漲浴嬌鴉。分鑠長安富貴家。遊騎偶同人鬪酒。名園相倚杏交花。銀鞦騾裊嘶宛馬。繡鞅瑠瓏走鈿車。一曲將軍何處笛。連雲芳樹日初斜。

題桐葉

去年桐落故溪上。把葉因題歸燕詩。江樓今日送歸燕。正是去年題葉時。葉落燕歸真可惜。東流玄髮且無期。笑筵歌席反惆悵。明月清風見別離。

洛陽長句二首

草色人心相與閒。是非名利有無間。橋橫落照虹堪畫。樹鎖千門鳥自還。芝蓋不來雲杳杳。仙舟何處水潺潺。君王謙讓泥金事。蒼翠空高萬歲山。

天漢東穿白玉京。日華浮動翠光生。橋邊遊女珮環委。波底上陽金碧明。月鑠名園孤鶴唳。川

歷代詩選 唐本
酣秋夢鑿龍聲連昌繡嶺行宮在玉輦何時父
老迎

潤州

句吳亭東千里秋放歌曾作昔年遊青苔寺裏
無馬迹綠水橋邊多酒樓大抵南朝皆曠達可
憐東晉最風流月明更想桓伊在一笛聞吹出
塞愁

閨情代作

梧桐葉落雁初歸迢遞無因寄遠衣月照石泉
金點冷鳳酣簫管玉聲微佳人力杵秋風外蕩
子從征夢寐稀遙望戍樓天欲晚滿城鼙鼓白
雲飛

郡齋秋夜卽事寄斛斯處士許秀才

有客誰人肯夜過獨憐風景奈愁何邊鴻怨處
迷霜久庭樹空來見月多故國杳無千里信綵
絃時伴一聲歌歸心祇待城烏曉幾對虛簷望
白河

朱坡

下杜鄉園古泉聲繞舍啼靜思長慘切薄宦與
乖睽北闕千門外南山午谷西倚川紅葉嶺連
寺綠楊堤迴野翹霜鶴澄潭舞錦雞濤驚堆萬
岫舸急轉千溪眉點萱牙嫩風條柳幄迷听藤
梢虺尾沙渚印麕蹄火燎湘桃塢波光碧繡畦
日痕緝翠巘陂影墮晴霓蝸壁爛斑蘚銀延荳
蔻泥洞雲生片段苔逕繚高低偃蹇松公老森
嚴竹陣齊小蓮娃欲語幽筍稚相攜漢館留餘
址周臺接故蹊蟠蛟崗隱隱班雉草萋萋樹老
羅紆組巖深石啓閨侵窗紫桂茂拂面翠禽棲
有計冠終挂無才筆設提自塵何太甚休笑觸
藩羝

題吳興消暑樓十二韻

晴日登攀好危樓物象饒一溪通四境萬岫遶
層霄鳥翼舒華屋魚鱗棹短橈浪花機乍織雲
葉近新雕臺榭羅嘉卉城池敞麗譙蟾蜍來作
鑑蟬螭引成橋燕任隨秋葉人空集早潮楚鴻
行盡直沙鷺立偏翹暮角淒遊旅清歌慘沈寥

景牽遊日困愁託酒腸銷遠吹流松韻殘陽渡
柳橋時陪庾公賞還悟脫煩囂

過田家宅

安邑南門外誰家板築高奉園裏地墻缺見
蓬蒿

鸚鵡

華堂日漸高雕檻繫紅綰故國隴山樹美人金
剪刀

歸家

穉子牽衣問歸來何太遲共誰爭歲月贏得鬢
邊絲

江樓

獨酌芳春酒登樓已半醺誰驚一行雁衝斷過
江雲

獨柳

含煙一株柳拂地搖風久佳人不忍折悵望迴
織手

過勤政樓

歷代詩選 唐杜牧

千秋佳節名空在，承露絲囊世已無。惟有紫苔偏稱意，年年因雨上金鋪。

過華清宮絕句

長安回望繡成堆，山頂千門次第開。一騎紅塵妃子笑，無人知是荔枝來。

登樂遊原

長空澹澹孤鳥沒，萬古銷沈向此中。看取漢家何事業，五陵無樹起秋風。

弔沈下賢

斯人清唱何人和，草徑苔蕪不可尋。一夕小敷山下夢，水如環珮月如襟。

朱坡絕句

煙深苔巷唱樵兒，花落寒輕倦客歸。藤屐竹洲相掩映，蒲池春雨鷓鴣飛。

將赴吳興登樂遊原一絕

清時有味是無能，閒愛孤雲靜愛僧。欲把一麾江海去，樂遊原上望昭陵。

江南春絕句

歷代詩選 卷六十二 七

歷代詩選 唐杜牧
千里鶯啼綠映紅。水村山郭酒旗風。南朝四百八十寺。多少樓臺煙雨中。

齊安郡後池絕句

菱透浮萍綠錦池。夏鶯千轉弄薔薇。盡日無人看微雨。鴛鴦相對浴紅衣。

題池州貴池亭

勢比凌歊宋武臺。分明百里遠帆開。蜀江雪浪西江滿。強半春寒去却來。

蘭溪 在蘄州

蘭溪春盡碧泱泱。映水蘭花雨發香。楚國大夫憔悴日。應尋此路去瀟湘。

山石榴

似火山榴映小山。繁中能薄艷中閒。一朵佳人玉釵上。祇疑燒却翠雲鬟。

入茶山下題水口草市絕句

倚溪侵嶺多高樹。誇酒書旗有小樓。驚起鴛鴦豈無恨。一雙飛去却回頭。

柳絕句

數樹新開翠影齊，倚風情態被春迷。依依故國樊川恨，半掩村橋半掩溪。

題禪院

觥船一棹百分空，十歲青春不負公。今日鬢絲禪榻畔，茶煙輕颺落花風。

見吳秀才與池妓別，因成絕句。

紅燭短時羞笛怨，清歌咽處蜀絃高。萬里分飛兩行淚，滿江寒雨正蕭騷。

贈朱道靈

劉根丹篆三千字，郭璞青囊兩卷書。牛渚磯南謝山北，白雲深處有巖居。

新定途中

無端偶效張文紀，下杜鄉園別五秋。重過江南更千里，萬山深處一孤舟。

漢江

溶溶漾漾白鷗飛，綠淨春深好染衣。南去北來人自老，夕陽長送釣船歸。

重到襄陽哭亡友韋壽朋

故人墳樹立秋風伯道無兒迹更空重到笙歌
分散地隔江吹笛月明中

泊秦淮

煙籠寒水月籠沙夜泊秦淮近酒家商女不知
亡國恨隔江猶唱後庭花

秋浦途中

蕭蕭山路窮秋雨淅淅溪風一岨蒲爲問寒沙
新到雁來時還下杜陵無

寄楊州韓綽判官

青山隱隱水遙遙秋盡江南草木凋二十四橋
明月夜玉人何處教吹簫

鄭瓘協律

廣文遺韻留攄散雞犬圖書共一船自說江湖
不歸事阻風中酒過年年

江上偶見絕句

楚鄉寒食橘花時野渡臨風駐綠旗草色連雲
人去住水紋如縠燕差池

題木蘭廟

彎弓征戰作男兒，夢裏曾經與畫眉。
幾度思歸還把酒，拂雲堆上祝明妃。

送隱者一絕

無媒逕路草蕭蕭，自古雲林隔市朝。
公道世間惟白髮，貴人頭上不曾饒。

贈別

娉娉裊裊十三餘，荳蔻梢頭二月初。
春風十里揚州路，卷上珠簾總不知。

寄遠

前山極遠碧雲合，清夜一聲白雪微。
欲寄相思千里月，溪邊殘照雨霏霏。

斑竹筒簾

血染斑斑成錦紋，昔年遺恨至今存。
分明知是湘妃泣，何忍將身卧淚痕。

倡樓戲贈

細柳橋邊深半春，纈衣簾裏動香塵。
無端有寄閒消息，背插金釵笑向人。

雨

歷代詩選 唐杜牧
連雲接塞添迢遞灑幕侵燈送寂寥一夜不眠
孤客耳主人窗外有芭蕉

宮詞

監宮引出暫開門隨例須朝不是恩銀鑰却收
金鎖合月明花落又黃昏

月

三十六宮秋夜深昭陽歌斷信沈沈惟應獨伴
陳皇后照見長門望幸心

贈漁父

蘆花深處靜垂綸月夕煙朝幾十春自說孤舟
寒水畔不曾逢着獨醒人

山行

遠上寒山石逕斜白雲生處有人家停車坐愛
楓林晚霜葉紅於二月花

重送王十

執袂還應立馬前向來離思始知難雁飛不見
行塵滅景下山遙極目寒

洛陽秋夕

泠泠寒水帶霜風，更在天橋夜景中。
清禁漏閒煙樹寂，月輪移在上陽宮。

贈獵騎

已落雙雕血尚新，鳴鞭走馬又翻身。
憑君莫射南來雁，恐有家書寄遠人。

懷吳中馮秀才

長洲苑外草蕭蕭，却算遊程歲月遙。
惟有別時今不忘，暮煙秋雨過楓橋。

秋夕

銀燭秋光冷畫屏，輕羅小扇撲流螢。
天街夜色涼如水，卧看牽牛織女星。

送故人歸山

三清洞裏無端別，又拂塵衣望翠雲。
看着挂冠迷處所，北山蘿月在移文。

聞角

曉樓煙檻出雲霄，景下林塘已寂寥。
城角遇秋悲更甚，護霜雲破海天遙。

三川驛伏覽座主舍人留題

舊跡依然已十秋。雪山當面照銀鉤。懷恩淚盡
霜天曉。一片餘霞映驛樓。

長安雪後

秦陵漢苑參差雪。北闕南山次第春。車馬滿城
原上去。豈知惆悵有閒人。

長安晴望

翠屏山對鳳城開。碧落搖光霽後來。迴識六龍
巡幸處。飛煙閒繞望春臺。

有感

宛溪垂柳最長枝。曾被春風盡日吹。不堪攀折
猶堪看。陌上少年來自遲。

江南送左師

江南爲客正悲秋。更送吾師古渡頭。惆悵不同
塵土別。水雲蹤跡去悠悠。

汴人舟行答張祐

千萬長河共使船。聽君詩句倍悽然。春風野岬
名花發。一道帆檣畫柳煙。

寓言

歷代詩選

唐詩

卷六十二

三

合

歷代詩選 唐杜牧
三
暖風遲日柳初含。顧影看身又自慙。何事明朝
獨惆悵。杏花時節在江南。

大夢上人自廬峰廻

行脚尋常到寺稀。一枝藜杖一禪衣。開門滿院
空秋色。新向廬峰過夏歸。

邊上聞胡笳

何處吹笳薄暮天。塞垣高鳥沒狼煙。遊人一聽
頭堪白。蘇武爭禁十九年。

金谷園

繁華事散逐香塵。流水無情草自春。日暮東風
怨啼鳥。落花猶似墮樓人。

遊邊

黃沙連海路無塵。邊草長枯不見春。日暮拂雲
堆下過。馬前逢着射鵬人。

隋堤柳

夾岬垂楊三百里。祇應圖畫最相宜。自嫌流落
西歸迅。不見東風二月時。

子規

蜀地曾聞子規鳥宣城又見杜鵑花一叫一回
腸一斷三春三月憶三巴

題齊安城樓

鳴軋江樓角一聲微陽歛歛落寒汀不用憑欄
苦迴首故鄉七十五長亭

遊池州林泉寺金碧洞

袖拂霜林下石稜潺湲聲斷滿溪水携茶臘月
遊金碧合有文章病茂陵

屏風絕句

屏風用昉畫織腰歲久丹青色半銷斜倚玉窗
鸞髮女拂塵猶自妬嬌嬈

南陵道中

南陵水面浸悠悠風緊雲輕欲變秋正是客心
孤迥處誰家紅袖凭江樓

偶作

才子風流詠曉霞倚樓吟住日初斜驚殺東隣
繡牀女錯將黃暈壓檀花

遣懷

蘇詩選

蘇詩選

卷六十二

三

禮

落魄江南載酒行。楚腰腸斷掌中輕。十年一覺
揚州夢。贏得青樓薄倖名。

春日途中

田園不事來遊宦。故國誰教爾別離。獨倚關亭
還把酒。一年春盡送春時。

歎花

自恨尋芳到已遲。往年曾見未開時。如今風擺
花狼藉。綠葉成陰子滿枝。

瑤瑟

玉仙瑤瑟夜珊珊。月過樓西桂燭殘。風景人間
不如此。動搖湘水徹明寒。

華清宮

零葉翻紅萬樹霜。玉蓮開蕊暖泉香。行雲不下
朝元閣。一曲淋鈴淚數行。

石倉十二代詩選

唐卷之六十二 終

歷代詩選

唐詩

三

寒

華嚴宮

山暝餘暉水涵寒

石倉十二代詩選

唐卷之六十三

晚唐

明候官曹學佺閱

許渾

字仲晦
丹陽人

秋日起闕題潼關驛樓

紅葉晚蕭蕭長亭酒一瓢
殘雲歸太華疎雨過中條
樹色隨山迴河聲入海遙
帝鄉明日到猶自夢漁樵

王居士

筇杖倚柴關都城賣卜還
雨中耕白水雲外斲

歷代詩選

唐詩

卷六十三

一

元

青山有藥身長健，無機性自閒。卽應生羽翼，華表在人間。

友人自荆襄歸江東

新喪其偶

商洛轉江濱，一杯聊送君。劍愁龍失伴，琴怨鶴離羣。楚驛枕秋水，湘帆凌暮雲。猿聲斷腸處，應向雨中聞。

送同年崔先輩

西風帆勢輕，南浦徧離情。菊艷含秋水，荷花遞雨聲。扣舷灘鳥沒，移棹草蟲鳴。更憶前年別，槐陰滿鳳城。

酬報先上人登樓見寄

丹葉下西樓，知君萬里愁。鐘非黔峽寺，帆是敬亭舟。山色和雲暮，湖光共月秋。天台多道侶，何惜更南遊。

泛舟尋鬱林寺道玄上人遇雨而返因寄

禪扉倚石梯，雲濕雨淒淒。草色分松逕，泉聲咽稻畦。棹移灘鳥沒，鐘斷嶺猿啼。入夜花如雪，廻舟憶剡溪。

歷代詩選 唐詩 二
憶長洲

香徑小船通菱歌遶故宮魚沈秋水靜鳥宿暮
山空荷葉橋邊雨蘆花海上風歸心無處託高
枕畫屏中

春醉

酒釀花一樹何假卓文君客坐長先飲公閑半
已醺水鄉春足雨山郭夜多雲何以叅禪理榮
枯盡不聞

與裴秀才自越西歸阻凍登丘山寺

春草越吳關心期旦夕還酒鄉逢客病詩境遇
僧閒倚棹水生浦登樓雪滿山東風不可待歸
鬢坐斑斑

示弟

自爾出門去淚痕長滿衣家貧爲客早路遠得
書稀文字何人重煙波幾日歸秋風正搖落孤
雁又南飛

懷江南同志

南國別經年雲晴波接天蒲深鷓鴣戲花暖鷓

歷代詩選 唐詩 卷六十三 三
鵲眠竹暗湘妃廟。楓陰楚客船。惟應洞庭月。萬里共娟娟。

洛中秋日

故國無歸處。官閒憶遠遊。吳僧秣陵寺。楚客洞庭舟。久病先知雨。長貧早覺秋。壯心能幾許。伊水更東流。

將歸塗口宿鬱林寺道玄上人院

春尋采芝翁。歸路宿禪宮。雲起客眠處。月殘僧定中。藤花深洞水。榭葉滿山風。清境不能住。朝

朝慚遠公

恩德寺

樓臺橫復重。猶有半巖空。蘿洞淺深水。竹廊高下風。晴山疎雨後。秋樹斷雲中。未盡平生意。孤帆又向東。

送客歸湘楚

無辭一杯酒。昔日與君深。秋色換歸鬢。曙光生別心。桂花山廟冷。楓樹水樓陰。此路千餘里。應勞楚客吟。

崇聖院別楊至之

蕭寺暫時逢，離憂滿病容。
寒齋秋少燕，陰壁夜多蛩。
樹暗水千里，山深雲萬重。
懷君在書信，莫過雁迴峰。

送僧歸金山寺

老歸江上寺，不忘舊師恩。
駐錫逢山色，停杯見浪痕。
秋濤吞楚驛，曉月上荆門。
為訪題詩處，莓苔幾字存。

送僧歸敬亭山寺

十年劔中路，傳盡本師經。
曉月下黔峽，秋風歸故亭。
開門新樹綠，登閣舊山青。
遙想論禪處，松陰水一瓶。

送客歸吳興

綠水棹雲月，洞庭歸路長。
春橋懸酒幔，夜柵集茶檣。
箬葉沈溪暖，蘋花遶郭香。
應逢柳太守，為說過瀟湘。

秋霽潼關驛亭

霽色明高巘，關河獨望遙。
殘雲歸太華，疎雨過

殘雲疎雨
駘在前

中條鳥散絲蘿靜。蟬鳴紅樹凋。何言此時節。去
去任蓬飄。

送客歸蘭溪

花下送歸客。路長應過秋。暮隨江鳥宿。寒共嶺
猿愁。衆水喧巖瀨。羣峰抱沈樓。因君幾南望。曾
向此中遊。

送友人歸荆楚

調瑟勸離酒。苦諳荆楚門。竹斑悲帝女。草綠怨
王孫。潮落九疑迴。雨連三峽昏。同來不同去。迢
遞更傷魂。

鬱林寺

臺殿冠嵯峨。春來日日過。水分諸院少。雲近上
方多。衆瀨凝絲竹。繁英耀綺羅。酒酣詩自逸。乘
月棹寒波。

早秋

遙夜泛清瑟。西風被翠蘿。殘螢生玉露。早雁拂
金河。高樹曉還密。遠山晴更多。淮南一葉下。自
覺老煙波。

寄天鄉寺仲儀上富春孫處士

詩僧與釣翁千里兩情通
雲帶雁門雪水連漁浦
風心期榮辱外名挂是非中
歲晚亦歸去田園清洛東

寓懷

南國浣紗伴盈盈天下姝
盤金明繡帶動珮響羅襦
素手怨瑤瑟清心悲玉壺
春華坐銷落未忍泣靡蕪

長安旅夜

久客怨長夜西風吹雁聲
雲移河漢淺月泛露華清
掩瑟獨凝思緩歌空寄情
門前有歸路迢迢洛陽城

發靈溪館

山多水不窮一葉似漁翁
鳥浴寒潭雨猿吟暮嶺風
雜英垂錦繡衆籟合絲桐
應有曹溪路千巖萬壑中

行次潼關驛後軒

飛閣極層臺終南此路回
山形朝闕去河勢抱

歷代詩選 唐詩 卷六十三
關來雁過秋風急。蟬鳴宿霧開。平生無限意。驅馬任塵埃。

遊維山新興寺宿石屏村謝叟家

晚過石屏路。村長日漸曛。僧歸下嶺見。人語隔溪聞。谷響寒耕雪。山明夜燒雲。家家扣銅鼓。欲賽魯將軍。

晚泊七里灘

天晚日沈沈。歸舟繫柳陰。江村平見寺。山郭遠聞砧。樹密猿聲響。波澄雁影深。榮華暫時事。誰

飲子陵心

題韋隱居西齋

斷藥去還歸。家人半掩扉。山風藤子落。溪雨豆花肥。寺遠僧來少。橋危客過稀。不聞砧杵動。應解製荷衣。

送無夢道人先歸甘露寺

飄飄隨晚浪。杯影入鷗羣。岼凍千船雪。巖陰一寺雲。夜燈江北見。寒磬水西聞。鶴嶺煙霞在。歸期不羨君。

歷代詩選

唐詩

卷六十三

八

心

溪亭二首

溪亭四面山橫柳半溪灣蟬響螿螂急魚深翡翠閒水寒留客醉月上與僧還猶戀蕭蕭竹西齋未掩關

暖枕眠溪柳僧齋昨夜期茶香秋夢後松韻晚吟時共戲魚翻藻爭栖鳥墜枝重陽應一醉栽菊助東籬

吳門送客早發

吳歌咽深思楚客怨歸程寺曉樓臺迴江秋管


吹清早潮低水檻殘月下山城惆悵回舟日湘南春草生

泊松江渡

漠漠故宮地月涼風露幽雞鳴荒戍曉雁過古城秋楊柳北歸路蒹葭南渡舟去鄉今已遠更上望京樓

下第寓居崇聖寺感事

懷玉泣京華舊山歸路賒靜依禪客院幽學野人家林晚鳥爭樹園春蝶護花東門有閒地誰



種邵平瓜

題岫上人院

病客與僧閒。頻來不掩關。高窗雲外樹。疎磬雨中山。離索秋蟲響。登臨夕鳥還。心知落帆處。明月澗河灣。

送段覺歸東陽兼寄竇使君

山水引歸路。陸郎從此諳。秋茶垂露細。晚菊帶霜酣。臺倚烏龍嶺。樓侵白鳥潭。沈公如借問。心在浙河南。
注云龍嶺雁潭俱在嚴州沈約曾守婺以此竇君

金陵懷古

玉樹歌殘王氣終。景陽兵合戍樓空。松楸遠近千官塚。禾黍高低六代宮。石燕拂雲晴亦雨。江豚吹浪夜還風。英雄一去豪華盡。惟有青山似洛中。

凌歊臺

宋祖凌歊樂未回。三千歌舞宿層臺。湘潭雲盡暮山出。巴蜀雪消春水來。行殿有基荒薺合。寢園無主野棠開。百年便作萬年計。崑崙古碑生

綠苔

咸陽城東樓

一上高城萬里愁。蒹葭楊柳似汀洲。溪雲初起日沈閣。山雨欲來風滿樓。烏下綠蕪秦苑夕。蟬鳴黃葉漢宮秋。行人莫問當年事。故國東來渭水流。

送蕭處士歸緱嶺別業

醉斜烏帽髮如絲。曾看仙人一局棋。賓館有魚爲客久。鄉書無雁到家遲。緱山任近吹笙廟。湘水行逢鼓瑟祠。今夜月明何處宿。九疑雲盡綠參差。

登故洛陽城

禾黍離離半野蒿。昔人城此豈知勞。水聲東去市朝變。山勢北來宮殿高。鴉噪暮雲歸古堞。雁迷寒雨下空濠。可憐緱嶺登仙子。猶自吹笙醉碧桃。

寓居開元精舍酬薛秀才見貽

知己蕭條信陸沈。茂陵扶疾臥西林。芰荷風起

歷代詩選 唐詩 卷之五
客堂靜松桂月高僧院沈清露下時傷旅鬢白
雲歸處寄鄉心勞君詩思猶相憶題在空齋夜
夜吟

夜歸驛樓

水晚雲秋山不窮自疑身在畫屏中孤舟移棹
一江月高閣捲簾千樹風窗下覆碁殘局在櫓
邊沽酒半壺空早炊香稻待鱸膾南渚未明尋
釣翁

南庭夜坐貽開元禪定二道者

暮暮焚香何處宿西巖一室映疎藤光陰難駐
迹如客寒暑不驚心是僧高樹有風聞夜磬遠
山無月見秋燈身閒境靜日爲樂若問其餘非
我能

南海府罷南康阻淺行侶稍稍登陸主人
燕餞至頗暮宿東溪

晴灘水落漲虛沙灘去秦吳萬里賒馬上折殘
江北柳舟中開盡嶺南花離歌不斷如畱客歸
夢初驚似到家山鳥一聲人未起半牀春月在

天涯

懷舊居

兵書一篋老無功。故國郊扉在夢中。
藤蔓覆黎張谷暗。草花侵菊庾園空。
朱門迹忝登龍客。白屋心期失馬翁。
楚水吳山何處是。北窗殘月照屏風。

祇命許昌自郊居移入公館秋日寄茅山

高拾遺

一笛迎風萬葉飛。強携刀筆換荷衣。
潮寒水國秋砧早。月暗山城夜漏稀。
巖響遠聞樵客過。浦深遙送釣童歸。
中年未識從軍樂。虛近三茅望少微。

晚自朝臺至韋隱居郊園

秋來鳧雁下方塘。繫馬朝臺步夕陽。
村逕繞山松葉暗。柴門臨水稻花香。
雲連海氣琴書潤。風帶潮聲枕簟涼。
西下磻溪猶萬里。可能垂白待文王。

別劉秀才

歷代詩選 唐詩選
三獻無功玉有瑕更携書劍客天涯孤帆夜別
瀟湘雨廣陌春期鄴杜花燈照水螢千點滅棹
驚灘雁一行斜關河萬里秋風急望見鄉山不
到家

平發天台中巖寺度關嶺次天姥岑

來徃天台天姥間欲求真訣駐衰顏星河半落
巖前寺雲霧初開嶺上關丹壑樹多風皓皓碧
溪苔淺水潺潺可知劉阮逢人處行盡深山又
是山

送郭秀才遊天台

雲埋陰壑雪凝峰半壁天台已萬重人度碧溪
疑輟棹僧歸蒼嶺似聞鐘暖眠鷓鴣晴灘草高
挂獼猴暮澗松曾約共遊今獨去赤城西面水
溶溶

送張尊師歸洞庭

能琴道士洞庭西風滿歸帆路不迷對岬水花
霜後淺傍簷山果雨來低杉松近晚移茶竈巖
谷初寒葢藥畦他日相思兩行字無人知處武

陵溪

再遊姑蘇玉芝觀

高梧一葉下秋初
迢遞重廊舊寄居
月過碧窗今夜酒
雨昏紅壁去年書
玉池露冷芙蓉淺
瓊樹風高薜荔疎
明日挂帆更東去
仙翁應笑爲鱸魚

題靈山寺行堅師院

西巖一逕不通樵
八十持杯未覺遙
龍在石潭聞夜雨
雁移沙渚見秋潮
經雨露濕文多暗
香印風吹字半銷
應笑東歸又南去
越山無路水迢迢

贈李伊闕

桐履如飛不可尋
一壺雙笈嶧陽琴
舟橫野渡寒風急
門掩荒山夜雪深
貧笑白駒無去意
病慚黃鵠有歸心
雲間二室勞君盡
水墨蒼蒼半壁陰

乘月棹舟送大曆寺靈聰上人不及

萬峰秋盡百泉清
舊鎖禪扉在赤城
楓浦客來

煙未散竹窗僧去月猶明
杯浮野渡魚龍遠錫
響空山虎豹驚一字不
留何足訝白雲無路水
無情

村舍二首

自剪青莎織雨衣南峰
煙火是柴扉萊妻早報
蒸藜熟童子遙迎種豆
歸魚下碧潭當鏡躍鳥
還青嶂拂屏飛花時未
免人來往欲買嚴光舊
釣磯

尚平多累自歸難一日閒
居一日安山逕有雲
收獵網水門無月挂魚竿
花間酒氣春風遠竹
裏棋聲夜雨寒三頃水田
秋更熟北窗誰拂舊
塵冠

遊江令舊宅

身沒南朝宅已荒邑人猶
賞舊風光芹根生葉
石池淺桐樹落花金井香
帶暖山蜂巢畫閣欲
陰溪燕集書堂閒愁此地
更西望潮浸臺城春
草長

淮陰阻風寄楚州韋中丞

歷代詩選 唐詩選 卷六十三
三
垂釣京江欲白頭。江魚堪釣却西遊。劉伶臺下
稻花晚。韓信廟前楓葉秋。淮月未明先倚檻。海
雲初起更維舟。河橋有酒無人醉。獨上高城望
庾樓。

鄭秀才東歸憑達家書

欲寄家書少客過。閉門心遠洞庭波。兩巖花落
夜風急。一逕草荒春雨多。愁泛楚江吟浩渺。憶
歸吳岫夢嗟峨。貧居不問應知處。溪上閒船繫
綠蘿。

鶴林寺中秋夜翫月

待月東林月正圓。廣庭無樹草無煙。中秋雲盡
出滄海。半夜露寒當碧天。輪彩暫移金殿外。鏡
光猶挂玉樓前。莫辭達曙殷勤望。一墮西崖又
隔年。

送前東陽于明府由鄂渚歸故林

結束兵車換黑貂。灞西風雨正瀟瀟。茂陵久病
書千卷。彭澤初歸酒一瓢。帆背夕陽溢水闊。棹
經滄海甌山遙。殷勤爲謝南溪客。白首螢窗未

見招

戲代李協律松江有贈

蜀客操琴吳女歌明珠十斛是天河
霜凝薜荔怯秋樹露滴芙蓉愁晚波
蘭浦遠鄉應解佩柳堤殘月未鳴珂
西樓沈醉不知散潮落洞庭洲渚多

朝臺送客有懷

趙佗西拜已登壇馬援南征土宇寬
越國舊無唐印綬蠻鄉今有漢衣冠
江雲帶日秋偏熱海雨隨風夏亦寒
嶺北歸人莫回首蓼花楓葉萬重灘

韶州韶陽樓夜讌

待月西樓捲翠羅玉杯瑤瑟近星河
簾前碧樹窮秋密窗外青山薄暮多
鸚鵡未知狂客醉鷓鴣先讓美人歌
使君莫惜通宵飲刀筆初從馬伏波

別張秀才

不知何計寫離憂萬里山川半舊遊
風捲暮沙

和雪起日融春水帶水流
凌晨客淚分東郭竟
夕鄉心共北樓青桂一枝少年事
莫因鱸膾涉窮秋

別表兄軍倅

盧橘花香拂釣磯
佳人猶舞越羅衣
三洲水淺魚來少
五嶺山高雁到稀
客路晚依紅樹宿
鄉關朝望白雲歸
交親不念征南吏
昨夜風帆去似飛

南陽道中

斜孤館傍村行
野店高低帶古城
籬上曉花凋後落
井邊秋葉社前生
飢鳥索哺隨籬叫
乳犊慵歸望犢鳴
荒草連天風動地
不知誰學武侯耕

韶州驛樓宴罷

簷外千帆背夕陽
歸心杳杳鬢蒼蒼
嶺猿羣宿夜山靜
沙鳥獨飛秋水涼
露墮桂花碁局濕
風吹荷葉酒餅香
主人不醉下樓去
月在南軒更漏長

潁川從事西湖亭讌餞

西湖清讌不知回。一曲離歌酒一杯。城帶夕陽
聞鼓角。寺臨秋水見樓臺。蘭堂客散蟬猶噪。桂
楫人稀鳥自來。獨想征車過鞏洛。此中霜菊遶
潭開。

卧病

寒窗燈盡月斜暉。珮馬朝天獨掩扉。清露已凋
秦塞柳。白雲空長越山薇。病中送客難為別。夢
裏還家不當歸。惟有舊書書未得。卧聞燕雁向

南飛

凌歊臺送韋秀才

雲起高臺日未沈。數村殘照半巖陰。野蠶成繭
桑柘盡。溪鳥引雛蒲稗深。帆勢依依投極浦。鐘
聲杳杳隔前林。故山迢遞故人去。一夜月明千
里心。

酬邢杜二員外

并序

新安邢員外懷洛下舊居。新定杜員外思關
中故里。各蒙緘示。因寄一詩以酬。

雪帶東風洗畫屏。客星懸處聚文星。未歸庾嶺
暮雲碧。久別杜陵春草青。熊軾並驅因雀噪。隼
旗齊駐是鴻冥。豈知京洛舊親友。夢繞潺湲江
上亭。

聽歌鷓鴣辭

并序

余過陝州夜讌將罷。妓人善歌鷓鴣者。詞調
清怨。往往在耳。因題是詩。

南國多情多艷詞。鷓鴣清怨遶梁飛。甘棠城上
客先醉。苦竹嶺頭人未歸。響轉碧霄雲駐影。曲
終清漏月沈暉。山行水宿不知遠。猶夢玉釵金
縷衣。

自楞伽寺晨起泛舟道中有懷

碧樹蒼蒼茂苑東。佳期迢遞路何窮。一聲山鳥
曙雲外。萬點水螢秋草中。門掩竹齋微有月。棹
移蘭渚澹無風。欲知此路堪惆悵。菱葉蓼花連
故宮。

淚

永巷長年怨綺羅。離情終日思風波。湘江竹上

唐詩選 卷之三
痕無限。峴首碑前灑幾多人。去紫臺秋入塞兵。
殘楚帳夜聞歌。朝來灞水橋邊問。未抵青袍送
玉珂。

宿望亭館寄蘇州一二同志

候館人稀夜自長。姑蘇城遠樹蒼蒼。江湖水落
高樓迴。河漢秋歸廣簟涼。月轉碧梧移鵲影。露
低紅葉濕螢光。西園詩侶應多思。莫醉笙歌掩
畫堂。

歲暮自廣江至新興往復中因題峽山寺

夜醉晨方醒。孤吟恐失羣。海鱗潮上見。江鵠霧
中間。未臘梅先實。經冬草自薰。樹隨山掩合。泉
到石稜分。虎跡空林雨。猿聲絕嶺雲。蕭蕭異鄉
鬢。明日共絲琴。

其二

薄暮緣西峽。停橈一訪僧。鷲巢橫卧柳。猿飲倒
垂藤。水曲巖千疊。雲重樹百層。山風寒殿磬。溪
雨夜船燈。灘漲危槎沒。泉衝怪石崩。中臺一襟
淚。歲杪別良朋。

其三

密樹分蒼壁長溪抱碧岑海風聞鶴遠潭日見
魚深松蓋環清韻榕根架綠陰洞丁多斷石蠻
女半淘金南浦驚春至西樓送月沈江流不過
嶺何處寄歸心

送林處士自閩中道越由雪抵兩川

書劍少青眼煙波初白頭鄉關背黎嶺客路轉
蘋洲處困道難固乘時恩易酬鏡中非訪戴劍
外欲依劉高枕海天暝落帆江雨收鼉聲應遠
山登氣學危樓智士役千慮達人輕百憂惟聞
陶靖節多在醉鄉遊

長安早春

雲月有歸處故山清洛南秦城一花發春夢徧

江潭

塞下

夜戰桑乾北秦兵半不歸朝來有鄉信猶自寄
征衣

思天台

歷代詩選

唐詩海

卷六十三

三

元

赤城雲雪深山客負歸心昨夜西齋宿月明琪樹陰

聞歌

新秋絃管清時轉過雲聲曲盡不知處月高風滿城

雨後懷湖山居

前山風雨涼歇馬坐垂楊何處芙蓉落南渠秋水香

緱山廟

王子求仙月滿臺玉笙清轉鶴徘徊曲終飛去不知處山下碧桃春自開

送宋處士

賣藥脩琴歸去遲山風吹落桂花時世間甲子須臾過逢着仙人莫看棋

秋日

琪樹西風華簟秋楚雲湘月憶同遊高歌一曲掩明鏡昨日少年今白頭

寄桐江隱者

潮去潮來洲渚春。山花如繡草如茵。嚴陵臺下
桐江水。解釣鱸魚能幾人。

聽吹鷓鴣

金谷歌傳第一流。鷓鴣清怨碧雲愁。夜來省得
曾聞處。萬里月明湘水流。

酬康州韋侍御同年

桂楫美人歌木蘭。西風嫋嫋露漙漙。夜長曲盡
意不盡。月在瀟湘洲渚寒。

途經秦始皇墓

龍盤虎踞樹層層。勢入浮雲我是崩。一種青山
秋草裏。路人惟拜漢文陵。

夜泊永樂有懷

蓮渚愁紅蕩碧波。吳娃齊唱采蓮歌。橫塘一別
千餘里。蘆葦蕭蕭風雨多。

鴻溝

相持未定各為君。秦政山河此地分。九盡烏江
千載後。古溝荒草起寒雲。

旌儒廟

寒谷陰風萬古悲，儒冠相枕死秦時。
廟前亦有商山路，不學老翁歌紫芝。

鷺鷥

西風淡淡水悠悠，雪照絲飄帶雨愁。
何事歸心倚前閣，綠蒲紅蓼練塘秋。

石倉十二代詩選

唐卷之六十三 終

石倉十二代詩選

唐卷之六十四

晚唐

明候官曹學佺闕

溫庭筠

字飛卿 并州人

嘲春風

春風何處好，別殿饒芳草。
萼嫋傳鸞旌，菱蕤吹雉葆。
揚芳歷九門，澹蕩入蘭蓀。
爭奈白團扇，時時偷主恩。

湘宮人歌

池塘芳意濕，夜半東風起。
生綠畫羅屏，金壺貯

春水黃粉楚宮人。芳花玉刻身。娟娟照棋燭。不語兩含顰。

江南曲

妾家白蘋浦。日上芙蓉檝。軋軋搖檣聲。移舟入
菱葉。溪長菱葉深。作底難相尋。避郎郎不見。灘
鴻自浮沉。拾萍萍無根。採蓮蓮有子。不作浮萍
生。寧爲藕花死。岬傍騎馬郎。烏帽紫遊韁。含怨
復含笑。迴首問橫塘。妾在金陵浦。門前朱雀航。
流蘇持作帳。芙蓉持作梁。出入金犢憶。兄弟侍
中郎。前年學歌舞。定得郎相許。連娟睂繞山。依
約腰如柳。鳳管悲若咽。鸞紗嬌欲語。扇薄露紅
鉛。羅輕壓金縷。明月西南樓。珠簾玳瑁鉤。橫波
巧能笑。鸞蛾不識愁。花開子留樹。草長根依土。
上聞金溝遠。底事歸郎許。不學楊花白。朝朝淚
如雨。

長安寺

仁祠寫露宮。長安佳氣濃。煙樹含葱蒨。金刹映
芊茸。繡戶香焚象。珠網玉盤龍。寶題新翡翠。天

井列芙蓉幡長迴遠吹窗虛含曉風遊騎迷青
鎖歸鳥思華鐘雲拱承跗躩羽葆背花重所嘆
連社客輕蕩不相從

邊笳曲

朔管迎秋動雕音雁來早上郡隱黃雲天山吹
白草嘶馬悲寒磧朝陽照霜堡江南戍客心門
外芙蓉老

芙蓉

刺莖澹蕩碧花片參差紅吳歌秋水冷湘廟夜

公澤艷香露裏美人清鏡中南樓未歸客一

夕練塘東

雞鳴埭曲

南朝天子射雉時銀河耿耿星參差銅壺漏斷
夢初覺寶馬鹿高人未知魚躍蓮東蕩宮沼濛
濛御柳懸棲鳥紅妝萬戶鏡中春碧樹一聲天
下曉盤踞勢窮三百年朱方殺氣成愁煙彗星
拂地浪連海戰鼓渡江塵漲天繡龍畫雉填宮
井野火風驅燒九鼎殿巢江燕砌生蒿十二金

人霜炯炯芊綿平綠臺城基暖色春容荒古陂
寧知玉樹後庭曲留待野棠如雪枝

織錦詞

丁東細漏侵瓊瑟影轉高梧月初出簇簌金梭
萬縷紅鴛鴦艷錦初成疋錦中百結皆同心
亂雲盤相間深此意欲傳傳不得玫瑰作柱朱
絃琴爲君裁破合歡被星斗迢迢共千里象尺
薰爐未覺秋碧池已有新蓮子

夜宴謠

長釵墜髮雙蜻蜓碧盡山斜開畫屏乳鬚公子
五侯客一飲千鐘如建旆鸞唱妖唱圓無節睂
歛湘煙袖迴雪清夜恩情四座同莫令溝水東
西別亭亭蠟淚香珠殘暗露曉風羅幕寒飄颻
戟帶儼相次二十四枝龍畫竿裂管縈絃共繁
曲芳樽細浪傾春醪高樓容散杏花多脉脉新
蟾如瞪目

蓮浦謠

鳴橈軋軋溪溶溶廢綠平煙吳苑東水清蓮媚

兩相向鏡裏見愁愁更紅。白馬金鞍大堤上。西
江日夕多風浪。荷心有露似驪珠。不是真圓亦
搖蕩。

郭處士擊甌歌

估粟金虬石潭古。勺陂漱灑幽修語。湘君寶馬
上神雲。碎珮叢鈴滿煙雨。吾聞六宮花離離。軟
風吹雪星斗稀。玉晨冷磬破昏夢。天露未乾香
着衣。蘭釵委墜垂雲髮。小響玎璫逐迴雪。晴碧
煙滋重疊山。羅屏半掩桃花月。太平天子駐雲
車。龍鑪勃鬱雙蟠拏。宮中近臣抱扇立。侍女低
鬟落翠花。亂珠觸續正跳蕩。傾頭不覺金烏斜。
我亦爲君長嘆息。緘情遠寄愁無色。莫沾香夢
綠楊絲。千里春風正無力。

錦城曲

蜀山攢黛留晴雪。菘笋蕨芽索九折。江風吹巧
剪霞綃。花上千枝杜鵑血。杜鵑飛入巖下叢。夜
斗思歸山月中。巴水漾漾情不盡。文君織得春
機紅。怨魄未歸芳草死。江頭學種相思子。樹成

寄與望鄉人白帝荒城五十里

舞衣曲

藕腸纖縷抽輕春煙機漠漠嬌娥頻金梭浙瀝
透空薄剪落交刀吹斷雲張家公子夜聞雨夜
向蘭堂思楚舞蟬衫林帶壓愁香偷得烏黃鍊
金縷管含蘭氣嬌語悲胡槽雪腕鴛鳥絲芙蓉
力弱應難定楊柳風多不自持迴頭笑語西窗
客星斗寥寥波脉脉不逐秦王捲象牀滿樓明
月梨花白

感策歌

蠟煙如霧新蟬滿門外平沙草芽短黑頭丞相
九天歸夜聽飛瓊吹朔管情遠氣調蘭蕙薰天
香瑞彩含綰緼皓然纖指都搗血日暖碧簫無
片雲含商咀徵雙幽咽軟殺踈羅共蕭瑟不盡
長圓疊翠愁柳風吹破澄潭月鳴梭浙瀝金絲
藥恨語殷勤隴頭水漢將營前萬里沙更深一
一霜鴻起十二樓前花正繁交枝簇蒂連壁門
景陽宮女正愁絕莫使此聲催斷魂

雉場歌

芟葉萋萋接煙曙。雞鳴埭上梨花露。彩杖鏘鏘
已合團。綉翎白頸遙相妬。雕尾扇張金縷高。碎
鈴素拂驪駒豪。綠場紅跡來相接。箭發銅牙傷
彩毫。麥隴桑陰小山晚。六虬歸去凝笳遠。城頭
却望幾含情。青畝春蕪連石苑。

雍臺歌

太子池南樓百尺。八窗新樹踈簾隔。黃金鋪首
畫鈎陳。羽葆停幢拂交戟。盤紆欄楯臨高臺。殿
帳臨流鸞扇開。早雁驚鳴細波起。映花鹵簿龍
飛廻。

常林歡歌

宓城酒熟花覆橋。沙晴綠鳴鳴咬咬。濃桑繞舍
麥如尾。幽軋鳴機雙燕巢。馬聲特特荆門道。蠻
水揚光色如草。錦薦金鑪夢正長。東家咿喔雞
鳴早。

湖陰詞

并序

王敦奉兵至湖陰。明帝微行視其營伍。

由是樂府有湖陰曲而亡其詞因作而

附之

祖龍黃鬚珊瑚鞭鐵驄金面青連錢處髯拔劍
欲成夢日壓賊營如血鮮海旗風急驚眠起甲
重光搖照湖水蒼黃追騎塵外歸森索妖星陣
前死五陵愁碧春萋萋灞川王馬空中嘶羽書
如電入青瑣雪腕如槌催晝鞭白虬天子金煌
鐸高臨帝座迴龍章吳波不動楚山晚花壓欄
干春晝長

晚歸曲

格格水禽飛帶波孤光斜起夕陽多湖西山淺
似相笑菱刺惹衣攢黛蛾青絲繫船向江木蘭
芽出土吳江曲水極晴搖泛灩細草平春染煙
綿綠玉鞭騎馬楊叛兒刻金作鳳光參差丁丁
暖漏滴花影催入景陽人不知彎堤弱柳遙相
囑雀扇團圓掩香玉蓮塘艇子歸不得柳暗桑
穠聞布穀

臺城曉朝曲

司馬門前柳千炬。闌干星斗天將曙。朱網籠鬚
丞相車。曉隨疊鼓朝天去。博山鏡樹香茸茸。裏
裏浮觥金畫龍。大江歛勢避辰極。兩闕深嚴煙
翠濃。

達摩支曲

雜言

擣麝成塵香不滅。拘蓮作寸絲難絕。紅淚文姬
洛水春。白頭蘇武天山雪。君不見無愁高緯花
漫漫。漳浦安餘清露寒。一旦臣僚共囚虜。欲吹
羌管先汎瀾。舊臣頭鬢霜華早。可惜雄心醉中
老。萬古春歸夢不歸。鄴城風雨連天早。

東郊行

鬪雞臺下東西道。柳覆斑駁紫草。塊靄韶容
鍊澹愁。青筐葉盡蠶應老。綠渚幽香生白蘋。差
差小娘吹魚鱗。王孫騎馬有歸意。林彩着空如
細塵。安得人生各相守。燒船破棧休馳走。世上
方應無別離。路傍更長千枝柳。

東峰歌

錦礫潺湲玉溪水。曉來微雨藤花紫。冉冉山維

紅尾長一聲樵斧驚飛起松刺流空石差齒煙
香風軟人參藥陽崖一夢伴雲根仙菌靈芝夢
魂裏

醉歌

簷柳初黃燕新乳曉碧芊綿過微雨樹色深含
臺榭情鶯聲巧作煙花主錦袍公子陳盃觴撥
醅百甕春酒香入門下馬問誰在降堦握手登
華堂矚邛美人連山睂低抱琵琶含怨思朔風
繞指我先笑明月入懷君自知勸君莫惜金樽

酒年少須臾如覆手辛勤到老慕簞瓢於我悠
悠竟何有洛陽盧仝稱文房妻子脚秃春黃糧
阿耆光顏不識字指麾豪俊如驅羊天犀壓斷
朱鸞鼠瑞錦驚飛金鳳凰其餘豈足需牙齒欲
用何能報天子駑馬垂頭槍暝塵驂騑一日行
千里但有沈冥醉客家支頤瞪目持流霞惟恐
南園風雨落碧蕪狼籍棠梨花

堂堂曲

錢塘岬上春如織森森寒潮帶晴色淮南遊客

馬連嘶碧草。途人歸不得。風飄客意如吹煙。纖
指殷勤傷雁絃。一曲堂堂紅燭筵。長鯨瀉酒如
飛泉。

春愁曲

紅絲穿露珠簾冷。百尺啞啞下纖縷。遠翠愁山
入臥屏。兩重雲母空烘影。涼簪墜髮春眠重。玉
兔熅氤柳如夢。錦疊空牀委墜紅。颺颺掃尾雙
金鳳。蜂喧蝶駐戲悠揚。柳拂赤欄纖葉長。覺後
梨花委平綠。春風和雨吹池塘。

懊惱曲

藕絲作線難勝針。藥粉染黃那得深。玉白蘭芳
不相顧。青樓一笑輕千金。莫言自古皆如此。健
劍荆鐘紹繞指。三秋庭綠盡迎霜。惟有荷花守
紅死。廬江小吏朱班輪。柳縷吐芽香。玉新兩股
金釵已相許。不令獨作空成塵。悠悠楚水流如
馬。恨紫愁紅滿平野。野土千年怨不平。至今燒
作鴛鴦瓦。

三洲詞

團圓莫作波中月。潔白無為枝上雪。月隨波動
 碎潏潏。雪似梅花不堪折。李娘十六青絲髮。畫
 帶雙花為君結。門前有路輕別離。惟恐歸來舊
 香滅。

春時曲

家臨長信往來道。乳燕雙雙拂煙草。油壁車輕
 金犢肥。流蘇帳曉春雞早。籠中嬌鳥暖猶睡。簾
 外落花閒不掃。衰桃一樹近前池。似惜紅顏鏡
 中老。

七夕

鳴機札札停金梭。芙蓉澹蕩生池波。神軒紅粉
 陳香羅。鳳低蟬薄愁雙蛾。微光奕奕凌天河。鸞
 咽鶴唳飄飄歌。鸞橋鋪盡愁奈何。天氣駘蕩雲
 陂陀。平明花木有愁意。露濕綵盤蛛網多。

西嶺道士茶歌

乳燕濺濺通石脉。綠塵愁草春江色。澗花入井
 水味香。山月當人松影直。仙翁白扇霜鳥翎。拂
 壇夜讀黃庭經。疎香皓齒有餘味。更覺道心通。

杳冥

送洛陽李主簿

想君秦塞外。因見楚山青。
槲葉曉迷路。松花春滿庭。
祿優仍侍膳。官散得專經。
子敬懷愚谷。歸心在翠屏。

巫山神女廟

黯黯閉宮殿。霏霏蔭薜蘿。
曉峰眉上色。春水臉前波。
古樹芳菲盡。扁舟離恨多。
一叢斑竹夜。環珮響如何。

題陳處士幽居

松軒塵外客。高枕自蕭疎。
雨後苔侵井。霜來葉滿渠。
閒移鏡湖棹。秋得越僧書。
若待前溪月。誰人伴釣魚。

題盧處士居

西溪問樵客。遙識楚人家。
古樹老連石。急泉清露沙。
千峰隨雨暗。一徑入雲斜。
日暮飛鴉盡。滿庭麩麥花。

初秋寄友人

閒夢正悠悠。涼風生竹樓。夜琴如欲雨。曉簟覺
新秋。獨鳥楚山遠。一蟬關樹愁。憑將離別恨。江
外問同遊。

題豐安里王相林亭

偶到烏衣巷。含情更惘然。西州曲堤柳。東府舊
池蓮。星坼悲元老。雲歸送墨仙。誰知濟川楫。今
作野人船。

和友人盤石寺逢舊友

楚寺上方宿。滿堂皆舊遊。月溪逢遠客。煙浪送
歸舟。江館白蘋夜。水關紅葉秋。西風吹暮雨。汀
草更堪愁。

送人南遊

送君遊楚國。江浦樹蒼然。沙淨有波跡。岬平多
草煙。角悲臨海郡。月到渡淮船。惟以一杯酒。相
思隔遠天。

贈鄭處士

飄然隨釣艇。雲水是天涯。紅葉下荒井。碧梧侵
古槎。醉收陶令菊。貧賣邵平瓜。更有相期處。南

籬一樹花

江岬卽事

水容侵古岬岬影度青蘋廟竹惟聞鳥江帆不見人
雀聲花外暝客思柳邊春別恨轉難盡行行汀草新

送并州郭書記

賓筵得佳客侯印有光輝候騎不傳箭迴文空上機
塞塵牧馬去烽火射雕歸惟有嚴家瀨回環徑草微

贈越僧

世機消已盡巾履亦飄然一室故山月滿瓶秋澗泉
禪菴過微雪鄉寺隔寒煙應共白蓮客相期松桂前

商山早行

晨起動征鐸客行悲故鄉雞聲茅店月人迹板橋霜
槲葉落山路枳花明驛墻因思杜陵夢鳧雁滿迴塘

途中有懷

驅車何日閒。擾擾路岐間。歲暮自多感。客程殊未還。亭臯汝陽道。風雪穆陵關。臘後寒梅發。誰人在故山。

經李處士杜城別業

憶昔幾遊集。今來倍嘆傷。百花情易老。一笑事難忘。白社已蕭索。青樓空艷陽。不聞雲雨夢。猶欲過高唐。

西遊書懷


渭川通野戍。有路上桑乾。獨鳥青天暮。驚麋赤燒殘。高秋辭故國。昨日夢長安。客意自如此。非關行路難。

偶題

孔雀眠高閣。櫻桃拂短簷。畫明金冉冉。箏語玉纖纖。細雨無妨燭。輕寒不隔簾。欲將紅錦段。因夢寄江淹。

齊宮

白馬雜金飾。言從雕輦迴。粉香隨笑度。髻態伴愁來。遠水斜如剪。青莎綠似裁。所恨章華日。冉冉



冉下層臺

中書令裴公挽歌

箭下妖星落，風前殺氣迴。
國香荀令去，樓月定公來。
玉璽終無慮，金滕竟不開。
空嗟薦賢路，芳草滿燕臺。

開聖寺

路分礧石夾煙叢，十里蕭蕭古樹風。
出寺馬嘶秋色裏，向陵鴉亂夕陽中。
竹間泉落山厨靜，塔下僧歸影殿空。
猶有南朝舊碑在，恥將興廢問休公。

贈蜀將

十年分散劔關秋，萬事皆隨錦水流。
心氣已曾明漢節，功名猶自滯吳鉤。
鵬邊認箭寒雲重，馬上聽笳塞草愁。
今日逢君倍惆悵，灌嬰韓信盡封侯。

寄清源寺僧

石路無塵竹徑開，昔年曾伴戴顓來。
窗間半榻聞鐘後，松下殘棋送客迴。
簾向玉峰藏夜雪，砌

因藍水長秋苔白蓮社裏如相問爲說遊人是
姓雷

題李處士幽居

水玉簪頭白角巾。瑤琴寂歷拂輕塵。濃陰似帳
紅薇晚。細雨如煙碧草春。隔竹見籠疑有鶴。捲
簾看畫靜無人。南山自是忘年友。谷口徒稱鄭
子真。

南湖

湖上微風入檻涼。翻翻菱荇滿廻塘。野船着岸
儂春草。水鳥帶波飛夕陽。蘆葉有聲疑霧雨。浪
花無際似瀟湘。飄然蓬艇東遊客。盡日相看憶
楚鄉。

贈袁司錄

丞相淮陽公之猶子

一朝辭滿有心期。花發揚園雪壓枝。劉尹故人
請往事。謝郎諸弟得新知。金釵醉就胡姬飲。玉
管閒留洛客吹。記得襄陽耆舊語。不堪風景峴
山碑。

偶題

微風和暖日鮮明。草色迷人向渭城。吳客捲簾
閒不語。楚娥攀樹獨含情。紅垂果蒂櫻桃重。黃
染花叢蝶粉輕。自恨青樓無近信。不將心事許
卿卿。

法雲雙檜

晉朝名輩此離羣。想對濃陰去住分。題處尚尋
王內史。畫時應是顧將軍。長廊夜靜聲疑雨。古
殿秋深影勝雲。一下南臺到人世。曉泉清籟更
難聞。

春日偶作

西園一曲艷陽歌。擾擾車塵負薜蘿。自欲放懷
猶未得。不知經世竟如何。夜聞猛雨判花盡。寒
戀重裘覺夢多。釣渚別來應更好。春風還爲起
微波。

春暮宴罷寄宋壽先輩

斜掩朱門花外鐘。曉鶯時節好相逢。窗間桃蕊
宿妝在。雨後牡丹春睡濃。蘇小風姿迷下蔡。馬
卿才調似臨邛。誰憐芳草生三徑。參佐橋西陸

士龍

題望苑驛

東馬嵬西
端正樹

弱柳千條杏一枝，半含春雨半垂絲。
景陽寒井人難到，長樂晨鐘鳥自知。
花影至今通博望，樹名從此辨相思。
分明十二樓前月，不向西陵照盛姬。

贈知音

翠羽花冠碧樹雞，未明先向短牆啼。
窗間謝女青蛾歛，門外蕭郎白馬嘶。
星漢漸移庭竹影，露珠猶綴野花迷。
景陽宮裏鐘初動，不語垂鞭上柳堤。

題崔公池亭舊遊

皎鏡芳塘菡萏秋，此來重見採蓮舟。
誰能不逐當年樂，還恐添成異日愁。
紅艷影多風嫋嫋，碧空雲斷水悠悠。
簷前依舊青山色，盡日無人獨上樓。

回中作

蒼莽寒空遠色愁，嗚嗚戍角上高樓。
吳姬怨思

吹雙管燕客悲歌上五侯千里關山邊草夕一
星烽火朔雲秋夜來霜重西風起隴水無聲凍
不流

老君廟

紫氣氤氳捧半巖蓮峰仙掌共巉巖廟前晚色
連寒水天外斜陽帶遠帆百二關山扶玉座五
千文字闕瑤緘自憐金骨無人識知有飛龜在
石函

地脉山春日

萋萋花明呀涓涓水遶山幾時拋俗事來共白
雲閒

碧澗驛曉思

香燈伴殘夢楚國在天涯月落子規歇蒲庭山
杏花

車駕西遊因而有作

宣曲長陽瑞氣凝上林狐兔待秋鷹誰將詞賦
陪雕輦寂寞相如臥茂陵

贈少年

歷代詩選 唐詩 卷六十四 三
江海相逢客恨多，秋風葉下洞庭波。酒酣夜別
淮陰市，月照高樓一曲歌。

瑤瑟怨

冰簟銀牀夢不成，碧天如水夜雲輕。雁聲遠過
瀟湘去，十二樓中月自明。

鄆杜郊居

槿籬芳暖近樵家，蠶麥青青一徑斜。寂寞遊人
寒食後，夜來風雨送梨花。

贈鄭徵君家匡山首春與丞相贊皇公遊

一拋蘭棹逐燕鴻，曾向江湖識謝公。每到朱門
還悵望，故山多在畫屏中。

三月十八日雪中作

芍藥薔薇語早梅，不知誰是艷陽才。今朝領得
春風意，不復饒君雪裏開。

彈箏人

天寶年中事玉皇，曾將新曲教寧王。鈿蟬金雁
今零落，一曲伊州淚萬行。

石倉十二代詩選

唐卷之六十四 終



